

傷寒論今釋

三



傷寒論今釋卷三

川沙 陸彭年淵雷 撰述

發汗吐下後。虛煩不得眠。若劇者。必反覆顛倒。心中懊憹。梔子豉湯主之。
若少氣者。梔子甘草豉湯主之。若嘔者。梔子生薑豉湯主之。

成氏云。心中懊憹而憤悶。懊憹者。俗謂鶻突是也。劉完素傷寒直格云。懊憹者。煩心熱躁。悶亂不寧也。甚者如中巴豆草烏頭之類毒藥之狀也。丹波氏云。此似後世所謂嘈雜。醫學統旨曰。嘈者。似飢而甚。似躁而輕。有懊憹不自寧之况。皆因心下有痰火而動。或食鬱而有熱。故作是也。

淵雷案。心中懊憹。即虛煩之劇者。反覆顛倒。即不得眠之劇者。無論劇易。皆梔子豉湯主之。夫既經發汗吐下。則病毒之在表者。已從汗解。在上者。已從吐解。在下者。已從下解。其虛煩不眠。非因病毒。乃由腦部心臟部之充血。陽證機能亢盛之餘波也。何以知是充血。以其用梔子豉湯知之。梔子豉湯皆稱苦寒藥。夫藥之寒溫。非可以

梔子、豉、皆為苦寒藥。

若振身者。在在邪熱入胃之徵。
反身顛倒。乃邪氣心中懊憹也。
古人多以胃之心中為心。故所謂心中者。即指胃而言也。云云。
懊憹。易言之。即為胃初脹而
之五疴。一以乃食道之疾患也。
以今之所謂腸鳴是也。
其將軒云之氣。即云腦部之力也。

傷寒論今釋卷三 一 上海國醫學院



起柔之

行柔——能平充盈之

狀。抑制機能之

起柔——能救貧血後

振起機能之

釋少氣（湯中氣云：之氣而極度淺表性呼吸。）

溫度計測而知也。能平充血症狀。抑制機能之亢盛者。斯謂之寒。能救貧血症狀。振起機能之衰減者。斯謂之熱。本草於梔鼓。皆云味苦寒。故知其病為充血也。何以知充血在腦與心臟。因不得眠是腦充血症狀。虛煩懊憹是心臟部充血症狀也。既是充血。則其病為實。今云虛煩。何也。因吐下之後。胃腸空虛。無痰飲食積相挾為患。異於胃實結胸之鞭滿。故謂之虛耳。若陰證之虛。豈得用梔鼓之苦寒哉。少氣。即西醫所謂呼吸淺表。亦即東洞所謂急迫。故加甘草。

梔子鼓湯方

梔子十四箇

香鼓四合綿裹

右二味。以水四升。先煮梔子。得二升半。內鼓。煮取一升半。去滓。分爲二服。溫進一服。得吐者。止後服。

千金方云。梔子鼓湯。治少年房多短氣。

肘後方云。梔子鼓湯。治霍亂吐下後。心腹脹滿。



聖濟總錄云。鼓梔湯。方即本治蝦蟆黃。黃痘之一種舌上起青脈。晝夜不睡。

小兒藥證直訣云。梔子飲子。治小兒畜熱在中。身熱狂躁。昏迷不食。大梔子仁七箇。槌破。豆豉半兩。右共用水三盞。煎至二盞。看多少服之。無時。或吐或不吐。立效。方極云。梔子豉湯。治心中懊懣者。方機云。治心中懊懣者。煩熱。胸中窒者。身熱不去。心中結痛者。下後煩。心下濡者。此煩與桂枝湯發汗後之煩不可混。

類聚方廣義云。此方。梔子香豉二味而已。然施之其證。其效如響。設非親試之於病者。焉知其效。

淵雷案。梔子治上部充血。略同黃連。又能利小便。故治發黃。香豉則兼有退熱解毒之功。故本方證有身熱不去。二十八條而金匱以治六畜鳥獸肝中毒也。藥徵云。梔子。主治心煩也。旁治發黃。香豉。主治心中懊懣也。旁治心中結痛。及心中滿而煩。氣血水藥徵云。香豉。治腫膿之水。

張氏集註云。舊本有一服得吐止後服七字。此因瓜蒂散中有香豉。而誤傳於此。



也。張錫駒傷寒直解云。梔子豉湯。舊說指爲吐藥。卽王好古之高明亦云。本草並不言梔子能吐。奚仲景用爲吐藥。此皆不能思維經旨。以訛傳訛者也。如瓜蒂散二條。本經必曰吐之。梔子豉湯六節。並不言一吐字。且吐下後虛煩。豈有復吐之理乎。此因瓜蒂散內用香豉二合。而誤傳之也。淵雷案。梔子豉證而嘔者。加生薑以止嘔。可知梔子豉湯決非吐劑。煮服法中得吐以下六字。必後人所增也。當刪。以下四方放此。

名醫類案云。江應宿治都事靳相主。患傷寒十餘日。身熱無汗。怫鬱不得臥。非躁非煩。非寒非痛。時發一聲。如嘆息之狀。醫者不知何證。迎予診治。曰。懊懊怫鬱證也。投以梔子豉湯一劑。十減二三。再以大柴胡湯下燥屎。怫鬱除而安臥。調理數日而起。

和久田寅叔腹診奇覽。載松川世德之治驗云。邑民金五郎之妻。年二十五。下血數日。身體倦。心煩微熱。服藥不見效。予與本方二貼。下血減半。婦人喜。復乞藥。與



梔子二主治血疔

前方數貼而全愈。

又云。岳母某君。躓而損腰。爾來下血。小腹微痛。服藥無效。余以為此病。由顛仆驚。惕而致者也。乃進本方數貼而全愈。

又云。月洞老妃。年七十餘。鼻衄過多。止衄諸方無效。予問其狀。頗有虛煩之狀。因作本方與之。四五日後來謝曰。服良方。衄忽止。

又云。柳田長助。年八十許。一日鼻衄過多。鬱冒恍惚。乃與本方而愈。淵雷案。本草綱目。梔子治吐血衄血。血痢下血。血淋。損傷瘀血。松川氏諸案。皆其驗也。梔子治血證。世鮮知者。故表而出之。

梔子甘草或湯方

梔子十四箇擘

甘草二兩炙

香或四合綿裹

右三味。以水四升。先煮梔子甘草。取二升半。內或。煮取一升半。去滓。分二服。溫進一服。得吐者。止後服。



千金方云。梔子甘草豉湯。治食宿飯陳臭肉。及羹宿菜。發者。

方極云。梔子甘草豉湯。治梔子豉湯證而急迫者。

時還讀我書續錄云。梔子甘草豉湯。治膈噎食不下者。

松川世德治驗云。伴藏之妻。產後下血過多。忽唇舌色白。氣陷如眠。脈若有若無。殆將死。乃以梔子甘草豉湯。加芎藭苦酒與之。半時許。盡五六貼。忽如大寐而寤。

梔子生薑豉湯方

梔子十四箇

生薑五兩

香豉四合綿裹

右三味。以水四升。先煮梔子生薑。取二升半。內豉。煮取一升半。去滓。分二服。溫進一服。得吐者。止後服。

方極云。梔子生薑豉湯。治梔子豉湯證而嘔者。

松川世德治驗云。松川村。兵藏。便血數月。服藥雖漸愈。而色澤不華。原文云身體無色面

上及兩脚浮腫。心中煩悸。頭微痛。時時嘔。寸口脈微。乃與梔子生薑豉湯而愈。



釋膈噎——即胃中窒——即西醫所謂食管狹窄病。

發汗若下之。而煩熱。胸中窒者。梔子豉湯主之。

元堅云。煩熱。卽虛煩不得眠之互詞。攷煩。本熱悶之義。故三陽皆有煩者。又假爲苦惱難忍之貌。如疼煩煩疼之煩是已。如少陰厥陰之煩。亦是也。方氏云。窒者。邪熱壅滯而窒塞。未至於痛。而比痛較輕也。淵雷案。梔豉諸湯。能治膈噎。可知胸中窒卽指膈噎。西醫所謂食管狹窄病也。蓋因食管粘膜乾燥。嚥物不能滑利之故。陽明篇云。心中懊憹。飢不能食。二百三十五條亦是此證。

傷寒五六日。大下之後。身熱不去。心中結痛者。未欲解也。梔子豉湯主之。

未欲解也。玉函作此爲不解。

傷寒類方云。結痛。更甚於窒矣。按胸中窒結痛。何以不用小陷胸。蓋小陷胸證乃心下痛。胸中在心之上。故不得用陷胸。何以不用瀉心諸法。蓋瀉心證乃心下痞。痞爲無形。痛爲有象。故不得用瀉心。古人治病。非但內外不失釐毫。卽上下亦不踰分寸也。元堅云。此證最疑於結胸。惟心下鞭濡爲分。淵雷案。胸中結痛。當亦是

傷寒類方卷之二十一 四 上海國醫學院



食管病。發炎癌腫之類。

傷寒下後。心煩腹滿。臥起不安者。梔子厚朴湯主之。

山田氏云。此虛煩兼腹滿者。故於梔子豉湯內。去香豉。加厚朴枳實以主之。心煩即虛煩。臥起不安。即不得眠已。其致腹滿。以下後內虛。氣滯不通也。與厚朴生薑半夏甘草人參湯。同一虛脹爾。是以雖滿而不堅實。此其所以不用大黃芒消也。

梔子厚朴湯方

梔子 十四箇擘

厚朴 四兩炙去皮

枳實 四枚水浸炙令黃

右三味。以水三升半。煮取一升半。去滓。分二服。溫進一服。得吐者。止後服。

方極云。梔子厚朴湯。治胸腹煩滿者。方機云。治心煩腹滿。臥起不安者。

類聚方廣義云。下後心煩腹滿。臥起不安者。世醫輒謂病不盡。猶有用三承氣湯等誤治者。長沙氏所以有是等方法也。措治之間。最宜注意。



芍藥 主治 結實、拘攣、手。
厚朴 主治 脹滿、
旁治 結實。

藥徵云。枳實。主治結實之毒也。旁治胸滿胸痺。腹滿腹痛。湯本氏云。主治結實之毒者。謂治心下肋骨弓下以柴胡之勝滿而尤甚及直腹肌之結實也。其作用有似芍藥。芍藥主結實拘攣。枳實則結實較優。拘攣較劣也。旁治胸滿腹滿。又似厚朴。而枳實以結實為主。脹滿為客。厚朴以脹滿為主。結實為客。至於治食毒。或食兼水毒。則枳實與厚朴共之。

某氏云。津久井郡又野村。井上與兵衛。患黃疸數月。東京淺田氏療之。不驗。其證腹鞭滿。呼吸促迫。遍身黃黑色。晝夜臥起不安。予以梔子厚朴湯加朮。與硝黃丸互進。不日而胸腹煩悶減。益投前方。三十餘日而病減半。後百餘日。與前方不止。遂至全愈。

傷寒醫以丸藥大下之。身熱不去。微煩者。梔子乾薑湯主之。

丸藥。蓋漢時俗醫習用之劑。今不可考。傷寒大法。有表證者。當先解其表。今以丸藥大下之。裏已虛寒。表仍未解。成上熱下寒之局。故身熱不去而微煩也。梔子豉



湯之虛煩。係純於熱者。此條之微煩。乃寒熱交錯者。故以梔子清上熱。乾薑溫下寒。與瀉心黃連等湯同意。

梔子乾薑湯方

梔子十四箇

乾薑二兩

右二味。以水三升半。煮取一升半。去滓。分二服。溫進一服。得吐者。止後服。

楊氏家藏方云。二氣散。即本方用炒梔子治陰陽痞結。咽膈噎塞。狀若梅核。妨礙飲食。久而

不愈。即成翻胃。淵雷案。二氣散證候。顯然為食管狹窄病。其用梔子。蓋從梔子豉

湯之胸中窒。心中結痛悟出。其用乾薑。當有裏寒證耳。

聖惠方云。治赤白痢。無問日數老少。乾薑散方。即本方。入薤白七莖。豉半合。煎服。

成蹟錄云。己未之秋。疫痢流行。其證多相似。大抵胸滿煩躁。身熱殊甚。頭汗如流。

腹痛下痢。色如塵煤。行數無度。醫雖療之。皆入鬼簿。先生取桃仁承氣湯。梔子乾

治赤白痢效方



薑湯以互相進。無一不救者。

凡用梔子湯。病人舊微溏者。不可與服之。

玉函。湯下有證字。病作其無舊字。

此條爲梔子諸湯之禁例。亦爲一切寒涼藥之禁例。舊微溏者。平日大便微溏也。舉微溏以明其人裏虛而下焦寒。裏虛而下焦寒者。雖有心煩懊憹之梔鼓證。不可與梔鼓苦寒藥。當先以溫藥調其裏。成氏引內經云。先泄而後生他病者。治其本。必且調之。後乃治其他病。是也。本論九十五條急當救裏。亦是此意。

以上六條。論梔鼓諸湯之證。治陽明篇有梔鼓證二條。厥陰篇有梔鼓證一條。當參看。

太陽病發汗。汗出不解。其人仍發熱。心下悸。頭眩。身瞤動。振振欲擗一作地者。眞武湯主之。

山田氏云。擗地二字。諸家紛紜。未有歸一之說。按法華經信解品云。轉更惶怖。悶

真寒假熱，亡去表皮膚，且裏有髓
六。二即上五下六之陰盛格陽證也。

胃陽虛，中氣胃之消化机能衰

損。
釋心下悸——因胃陽虛，而胃內停
蓄水飲也。

絕躡地。唐慧琳音義云。躡。脾役切。倒也。宋方回虛谷閒抄。幽州石老條云。擗地號
叫。人異而觀之。正字通云。躡與辟通。合而考之。躡擗辟三字通用。所謂擗地。即躡
地也。又按脈經作仆地。字異而義同。宋版注云。擗一作僻。是亦同音通用已。此條
言。太陽病。以麻黃青龍輩大發其汗。其人充實者。當汗出復度也。若其人虛弱者。
汗出表證罷。而病仍不解。發熱。心下悸。頭眩。身擗動欲仆地。此以汗出多而亡陽
故也。雖有發熱。非表不解之發熱。乃虛火上之發熱。後世所謂真寒假熱者也。
心下悸者。胃陽虛而水飲停蓄也。頭眩者。頭中之陽虛也。靈樞衛氣篇所謂。上虛
則眩。是也。身擗欲仆者。經中之陽虛也。茯苓桂枝白朮甘草湯條所謂。發汗則動
經。身爲振振搖。是也。此表裏上下俱虛之候。具焉。故與真武湯。以復其陽。以行其
水也。

元堅云。方氏以來。立太陽三綱之說。以諸變證。原其來路。分隸于桂麻青龍三等。
然仲景之意。蓋不若是其幾也。且姑舉一證言之。如太陽中篇真武湯證。或自桂



枝證汗之如水流離。或自桂枝證誤用麻黃。或自麻黃證誤用青龍。諸般過汗。皆能變此。有一定乎。如方氏諸輩。專持偏見。以繩縛聖法。其害殆不爲淺。學者宜勿被眩惑焉。

湯本氏云。發汗後。其人仍發熱。此非表證。乃少陰發熱也。心悸頭眩。身濶欲仆。雖因陽虛。亦由水毒侵襲。故主以真武。真武證與苓桂朮甘證相似。而有陰陽虛實之別。

淵雷案。以上三日人之說。皆切當可從。不須贅釋。真武湯方爲苓芍薑朮附五味。脈經千金及翼。俱名玄武湯。趙刻本於此出方。然本是少陰方。少陰篇三百二十條下加減法完具。故刪此處之方。解釋於彼。又案此條亦是誤汗過汗之逆。當次於苓桂朮甘湯後。而次於此者。殆因下文諸條。出禁汗之例。故以此發端歟。

醫學綱目云。孫兆治太乙宮道士周德真。患傷寒。發汗出多。驚悸目眩。身戰掉欲倒地。衆醫有欲發汗者。有作風治者。有用冷藥解者。病皆不除。召孫至。曰。太陽經



病得汗早欲解不解者。因太陽經欲解。復作汗。腎氣不足。汗不來。所以心悸目眩。

身轉。案說理皆不。嚴不可從。遂作真武湯服之。三服。微汗自出。遂愈。此下本有一段議論以其不嚴刪之。

咽喉乾燥者不可發汗。

咽喉乾燥者。上焦津液不足也。肺結核。喉頭結核。咽頭結核。皆咽喉乾燥之例。病結核者。必榮養不良。津液缺乏。故在禁汗之例。

淋家不可發汗。發汗必便血。

淋家者。患膀胱病尿道病之人也。以其下焦津乾。故在禁汗之例。便血即尿血。傷寒補亡論常器之云。宜猪苓湯。案猪苓湯。治淋病尿血之劑。非所以代發汗解表也。

瘡家雖身疼痛不可發汗。汗出則瘥。

瘡家有二義。一者。刀劍所傷。亡血過多。二者。癰瘍之病。流膿已久。此皆亡失其血液組織液者。身疼痛雖屬麻黃湯證。然因軀殼血虧。故在禁汗之例。誤汗之。則益

釋淋家



虛其體液。肌肉失於榮養。以致項背強直而為瘳矣。瘳玉函作瘳。當作瘳。詳金匱

今釋。

衄家不可發汗。汗出必額上陷。脈急緊。直視不能眴。音喚又胡絹切下同一作瞬不得眠。

玉函云。必額上促急而緊。病源同。促作瘳。外臺引病源。促作脈。皆無陷字。

傷寒不發汗。因致衄者。麻黃湯主之。此則素患衄血之人。血燥於上。故在禁汗之例。額上陷者。前額部組織萎縮也。向疑額上有顱骨撐持。不當下陷。然老醫工有親驗額上陷者。則事實不可誣也。脈急緊者。血管收縮。以維持血壓也。眴。目動也。直視不能眴者。動眼神經麻痺也。不得眠者。陰虛生煩躁也。此皆亡失血液體液之故。禁汗七條中。誤汗之變。此條最劇。法在不治。常器之擬犀角地黃湯。則是治衄之普通劑。非救逆之方。

亡血家不可發汗。發汗則寒慄而振。

亡血者陰虛。寒慄而振者陽虛。陰陽互根。故陰虛而誤汗。則陽亦隨亡。六十二條

論陰虛虛誤汗。則陽隨亡。何抱生(生)活(力)上隨亡。



下後復發汗。振寒脈微細。與此同一機轉。山田氏云。亡血家者。如嘔血下血崩漏。產後金瘡破傷類是也。亡者失也。非減也。寒慄而振。乃乾薑附子湯證。

汗家復發汗。必恍惚心亂。小便已陰疼。與禹餘糧丸。

方本

汗家液竭於表。故在禁汗之例。恍惚心亂。亦陰虛陽越之象。小便已陰疼者。小便之後。尿道口作痛。氣弱不利故也。伊澤信恬云。此條攷前後諸條。亦係禁汗之例。不須自主一方。與禹餘糧丸數字。蓋衍文也。

病人有寒。復發汗。胃中冷。必吐蚘。

一作逆

山田氏云。有寒。謂腸胃虛寒。太陰篇所謂。自利不渴者屬太陰。以其藏有寒故也。當溫之。宜服四逆輩。是也。淵雷案。裏寒之人。雖有表證。仍當先溫其裏。參看九五條否則表證雖除。裏寒轉甚。胃中冷而嘔吐作矣。吐蚘。依或本作吐逆。為是。蚘係消化器官之寄生蟲。健康人不當有之。舊注以為胃冷不能化穀。蚘不得養。因上從口出。非也。吐蚘詳厥陰篇。

